

LEMBAGA URUS AIR SELANGOR
(UNIT KORPORAT)

AKHBAR : SINAR HARIAN
TARIKH : 18 MAC 2019

KERATAN AKHBAR

Tindakan tegas buang sisa toksik ke Sungai Klang

SUNGAI BESAR - Tindakan tegas perlu diambil terhadap pihak tidak bertanggungjawab yang melakukan pencemaran sisa toksik di Sungai Klang, berhampiran Taman Eng Ann, Klang, Khamis lalu.

Exco Alam Sekitar, Teknologi Hijau, Hal Ehwal Pengguna, Sains Teknologi Dan Inovasi, Hee Loy Sian berkata, pencemaran sisa kimia bukan kali pertama berlaku di negeri ini.

Malah, katanya, perbuatan sama juga pernah berlaku di Kampung Sungai Lalang, Semenyih, yang dicemari sisa baja kimia mengandungi 'ethyl ether', pada 14 Februari lalu.

"Sesetengah pihak mengambil jalan mudah membuang sisa toksik sama ada di tepi jalan mahupun di dalam sungai," katanya.

Beliau berkata demikian pada sidang media selepas Majlis Perasmian Karnival Jelajah 360 Smart Selangor di Stadium Sungai Besar, di sini, semalam.

Loy Sian berkata, kerajaan negeri memandang serius perkara itu dan sentiasa memantau keadaan itu.

"Kami mengambil langkah berja-



Loy Sian (dua kanan) turut melawat gerai dan pameran selepas Majlis Perasmian Karnival Jelajah 360 Smart Selangor di Stadium Sungai Besar, di sini.

ga-jaga supaya bahan bertoksik ini tidak mencemari kolam takungan air yang membekalkan air terawat kepada penduduk sekitar," katanya.

Loy Sian berkata, kerajaan negeri turut mendapat kerjasama dengan Lembaga Urus Air Selangor (LUAS) dan Unit Pengurusan Bencana Negeri (UPBN) bagi menangani isu pembuangan sisa toksik.

"Selepas meneliti perkara ini, kita serahkan kepada pihak polis untuk tindakan lanjut kerana kesan jika tidak kejadian pencemaran akan terus berulang," katanya.

UNIT KORPORAT

TINGKAT 13, BANGUNAN DARUL EHSAN,
NO.3, JALAN INDAH, SEKSYEN 14, 40000 SHAH ALAM
TELEFON:03-55111800 / FAX:03-55101800